

歐陽詹

劉禹錫

竹居狹廬

全唐文

卷五百九十七之五百九十九

世德堂藏書

竹居藏書

金唐文
卷一百一十五

欽定全唐文卷五百九十七目錄

歐陽詹 三

送鹽山林少府之任序

送周孝廉擢第歸覲序


送裴八侃茂才却東遊序

送無知上人往五臺山序

送楊據見漳州李使君序

送陳八秀才赴舉序

魯山令李胃三月三日宴僚吏序



泉州泛東湖餞裴參和南遊序

送洪儒卿赴鄉舉序

曲江池記

福州南澗寺上方石像記

泉州北樓記

二公亭記

泉州六曹新都堂記

右街副使廳壁記

太學張博士講禮記記

同州韓城縣西尉廳壁記

同治元年春

欽定全唐文卷五百九十七

歐陽詹

三

送鹽山林少府之任序

新授鹽山尉孝廉郎濟南林君脂轄東轅莅官也鹽山滄
州之屬邑也滄州戎狄接境之地國家虞守之會東南居
恃力之卒西北有矜功之眾從事之劇惟天下先若非機
足應權達能通變則不之與也公以二善而時與之夫騏
驥未馳知有致遠之力干將未割知有剗堅之功堂堂林
君假道試使嶧桐嶰竹必中音律勉以能事爲邦之光祿

金定全唐文 卷五十四
者所以食人爲國奉者所以衣人贊時予知之而君豈不
知之苟知之何往而不利

送周孝廉擢第歸覲序

始未與周相接二年間於貢府稠人中見之年甚華神甚
清英如穎如若金在沙若松在林常奇之曰誰家千里駒
可羨也豈權衡藻鏡而遺於是邪今春獻藝果登孝廉上
第予以片言隻字進亦同年成名旣昔情所佳又今跡斯
叶或因有覲獨與之語宮商起於朱絃薑桂在乎太牢泠
然可聽芬乎可嘗已比郗詵之玉思懷陸績之橘夏五月

自京而東賃廡陋居迴軒見別予則不敏輒奉以言會稽
之竹旣鏃矣宜羽之荆山之璞旣琢矣宜礪之雖休勿休
古有光大晨昏之暇勿忘則疊札之望可酬連城之價可
取勉哉有如君材蓋不易得

送裴八侃茂才却東遊序

幼秀裴侃昨自江湖西入關遊京師今自京師東出關遊
江湖十二斯冠才氣卓異身猶三尺交友四海著文數篇
其措意規格儲乎遠大旬時闕下鬱發聲聞公卿名德待
以優禮告離之日祖輶相屬由晨及暝方容升車軒蓋相

追百有餘兩長沙歐陽某企以芳馥亦驅弊羈將欲分手
詔之自愛曰梗枿出地知爲梁爲棟鸞鳳在轂知摩霄薄
雲子之他日豈在乎此不獨斯爲羣公斯謂子姑行無忽
所謂非徒謂也

送無知上人往五臺山序

無生永存旨不易源縣今在煩澄今處渾釋氏子味其實
歸其根其教雖傳非言可言唯相似者復到其門無知上
人其到門者歟上人從儒至道從道至釋如厯星月以得
白日若棄扇霎而灑長風真空洞照熱惱頓盡水其性雲

其身周四海以終靜出六合而非寄維揚秋杪方至自閩
日未成旬作臺山之適目關河於不計擬衣食乎隨施怡
如也澹如也此行逢流得抵虛舟無程峨峨五峰幾日而
上登異清涼侶善知識所至也之至元之又元乎予弱冠
之年同時諦之學神不遠逮溺在名利禮足而別悽然自
傷歧路旣殊聊各以行勉哉無知公勉哉歐陽生

送楊據見漳州李使君序

儒有馭百行駕六藝曳長裾於王侯之門以禮待楊夫子
是日之告謁漳浦李太守之行行儒之事也子幾於儒久

矣李太守天枝之英金鏡之明盛物之量稱物之衡夫子
姿容不孤其鑒多少有登其槩何往而不利高梧始華瑤
草欲碧去矣夫子時景宜往

送陳八秀才赴舉序

諸侯歲貢俊才於天子故陳侯今年有觀光之舉白露肅
物青天始高雲迴鴻盤言遵永途吾觀夫雄心銳志將領
能事則夷山堙谷不盡其力何東堂一枝南荆一片足塵
其慮邪勉哉陳有其才奏其試知其成矣

魯山令李胃三月三日宴僚吏序

三月三日以酒食出於野曰禊飲古俗也有唐今上御宇
之九年年定三節一以二月一日之中和終取九月九日
之重陽次取此日之禊飲賜羣臣大宴登高臨流與時所
宜洎四方有土之君亦得自宴其僚屬貞元十二年暮春
月哉生明一日則其日也臨汝魯山令趙郡李胃恭國令
宴於縣南滄濱先宴曰夫宴者古所以示慈惠而期合歡
者也國家錫以斯宴者情亦古情焉况食在充腸不在充
目酒在成禮不在溺神歌發其所自和舞登其所自樂窮
八珍竭千鍾強發揚課絲竹則有勞有逸豈合歡之意歟

於是首設一席肉一肩酒一壺命自天子命爲佐者次一
席酒肉亦如之命自己命以爲吏者次一席酒肉亦如之
命鄉閭許以耆年有德者肉旣飽酒旣酣因化育之宿洽
有歌謠者進有舞蹈者作皆誠激乎中章乎形容婆娑慷
慨與習而爲者不類然後漁者請以其舟農者請以其器
圃者請以其蓄弋者請以其鮮啐濁嘗漉浮泛漪瀾風恬
日和川晴野媚以熙以怡萬心一之至義之門大順之家
父兄子弟一族一堂之中不是過也非仁德淳化其孰能
至於是邪旅遊之子實窺盛事茲宴也雖溥於天下百里

不同風雨恐他邑之景物此辰不得似公之邑也一方不同教化恐他邑之歡樂此辰不得似公之邑也故序之

泉州泛東湖餞裴參和南遊序

泛舟餞行別禮之重也昔李郭有之降自近代名望之士亦往往而用皆其殷勤夙出於人意文雅足賦乎時物俾操執之容可觀風景之媚不孤理未符此事罔得舉清源郡春正月客有河東裴參和將南遊郡司戶置同正前大理評事扶風竇公因攜俎豆展故實蓋厚裴而昭已德也奇哉英秀哉其裴歟明疑乎風姿瓌麗乎詞華朗如嵩如

輝如煥如予翰苑十年之遊飽覩四方之彥九霄寸步一日千里者予得識之如其人如其人是錢也主賢賓賢譬古無忤指方舟以直上繞長河而屢迴絃管饒拍出沒花柳勝趣則深離觴且酣斜日應程賓辭及固噫停橈一挹裴其昇車美哉裴何往而不利况此選列郡莫非哲人有知之鑒其豈相失遊意儻盡姑爲時起予從此更詣承明竇公不日應召宣室秋風似緊當共天衢佇羊角而來一舉磨蒼蒼矣詩人同志之

送洪儒卿赴鄉舉序

三折肱爲良醫予五升詞場四遭倚撫是以竊知乎文則
洪氏子舉秀才前後勝負予得而度夫子黼黻之性加好
勤苦之節紡績墳典組織篇什觀經緯機杼則重錦繡段
日日當成今年秋貢士果居首薦歌鹿鳴以飲餞想鵬搏
而飭駕金欲求鍛玉將就磨光鉉穎耀朝夕以冀迴雁賓
海秋風落山雖難別離向慶無恨中鵠餘矢猶思再發升
冬元月期會於闕下

曲江池記

水不注川者在藪澤則曰陂曰湖在苑囿則爲池爲沼苑